

أسعد بيت يجمعنا - سلسلة عاطف و عواطف 11 - محمد الغليظ

محمد الغليظ

السلام عليكم ورحمة الله. الحمد لله رب العالمين. الرحمن الرحيم. مالك يوم الدين والعاقبة للمتقين ولا عدوان الا على الظالمين. واشهد ان لا اله الا الله وحده لا شريك له ولي الصابرين. واشهد ان محمد - 00:00:00
محمدا عبده ورسوله امام المتقين وسيد الاولين والآخرين صلى الله عليه وعلى اله وعلى اصحابه. ومن استن بسنته واتبع هداية الى يوم دين اما بعد فالיום آخر آخى اللقاءات عاطف وعواطف. نورت - 00:00:35
النهاردة اخر لقاء في السلسلة هو يمكن من اخر اللقاء ده احنا في الموسم الثاني فده اخر لقاء في الموسم الثاني مش عارف هيبقى في موسم ثالث ولا ايه بس انا ارجو ان يكون فيه - 00:00:55
هنكمل بقى تربية الابناء والجو ده. بس اه النهاردة اخر لقاء في اه هذه السلسلة او في هذا اه القسم تحديدا ويمكن عايز افكركم باول اه لقاء اللي هو كان من حوالي خمس ست - 00:01:07
سبع مرات في مسألة هو احنا عملنا عاطف وعاطف ليه؟ عملناهم ليه؟ لان نسب الطلاق بقت غير عادية عملناهم عشان خاطر الاسرة هي اهم لبننة تخرج اهم مكون للامة اللي هو الانسان المسلم - 00:01:27
هي اللي بتكون هذا الانسان. وقلنا ان انا شخصا حتى يعني في في حتى في مجال الدعوة. وبالمناسبة مش بس في مجال الدعوة في كل المجالات في كل المجالات وان كان على وجه الخصوص مجال الدعوة مسلا لو هتكلم هقول احيانا كثير جدا يبقى المشكلة مع الشخص ذات نفسه - 00:01:47
ما هو مضطرب نفسيا يعني هو مش عارف هو هو مضطرب هو عنده مشكلة في ان هو عنده اضطراب نفسي. مش عارف يستقيم تمام آآ احيانا بيبقى الكلام ده حتى مش بس على فكرة بالمناسبة مش حتى بس في الدعوة في الشغل. يعني الناس الاتش ار هتبقى فاهمة كده هتبقى دايم شايعة - 00:02:07
شخصيات كده اللي هي ايه؟ عزمها قوي وبتعرف تستمر. وفي ناس عزمها ضعيف جدا وما بتعرفش تستمر في اي حاجة. طب ايه اللي كون الشخصية دي كده كون الشخصية دي كده ما هو معمل بناء الشخصية كان فين؟ كان الاسرة ذات نفسها اصلا. اه في طبائع مختلفة بين شخص وشخص ولكن في - 00:02:27
الجملة الاسرة تضبط ده. الاسرة بتضبط ده. فلو الاسرة مفككة تماما فيها مشاكل كثير. الولد عشان خاطر كده بالمناسبة مسلا لما تلاقي ابنك مسلا ربنا يرزقنا واياكم الاولاد الصالحين. اللهم امين. لما تلاقي ابنك مسلا آآ في حضانة ولا في مدرسة ويضرب حد زميله تلاقي - 00:02:47
المدرسة ولا المديرية تكلمك تقول لك ايه؟ انتم بتضربوه كثير ليه؟ الله هي جت قعدت هي مراقبنا؟ مش مراقبنا بس هو الابن عرف ان طريقة التعامل مع المشاكل ازاي؟ بالضرب. ما هو اما بيعمل مشكلة ايه اللي بيحصل؟ بتضربه. فانت اما - 00:03:07
المشكلة انت تضربها. هو متعود ان المشكلة بتتحل ازاي؟ بهذا الشكل. طب هو اتعلم كده منين؟ من الاسرة اللي هي اصلا مضطربة عملت مشكلة معه هو وكذلك في كل شيه - 00:03:27
كذلك في كل شيه اه سيظل هناك في تباين بين طباع البشر ولكن معمل بناء الشخصية هو الاسرة. انت بتتعلم تاكل ازاي وتشرب ازاي فيه ذوقيات واضحة او شكل همجي بحت - 00:03:42
منين؟ انا اسف يعني من اكلك مع والدك ووالدتك ولو بابا وماما ما يقولولكش اقفل بقك يا حبيبي وانت بتاكل. ما تتكلمش وانت

بتاكل يعني كلاً بديهيات. يعني هو اكيد اللي بيعمل كده ايه اللي حصل؟ ما كنش عنده حد ينصحه. واللي على فكرة اللي اتعود ان هو ياكل كده - [00:03:56](#)

بالشكل ده ينفع يخالفه؟ ما يعرفش. فتلاقي حد مسلا انت دخلت عليه وهو بيتكلم وهو بياكل تسأله سؤال. ويقوم مم جيب يمين بقى شمال اي حاجة عشان خاطر هو مش هيعرف يتكلم قلت له كده. وفي واحد تاني تخش تتكلم عليه يقوم مطلع لك السندوتش نصه وهو بيتكلم. وهو بيرد على السؤال عنده منديل ما عندوش اي - [00:04:16](#)

مشكلة طب ايه الفرق بين ده وده تربية؟ تربية في واحد بيقول لك يا استاز قوم من هنا واقعد هنا لو سمحت وفيه واحد يقول ايه؟ يا بني اتاخر. ايه الفرق بين ده وده؟ ده قال له وقل له يعني ده - [00:04:36](#)

بيتقال له قل له بعد ازنك لو سمحت من فضلك وده كان والده ووالدته بيشوطوه عشان خاطر هي كده معمل بناء الشخصية هو البيت فلو كان البيت اللي هو عاطف وعواطف مش مستقر يخرج شخصيات غاية في التشوه. فاما بنيجي نتكلم عن - [00:04:56](#)
عاطف وعواطف والاسرة احنا بنتكلم عن اهم شيه محوري في حياة اي انسان. ان انت لو محض خلي امتدادك طيب. وعشان يبقى امتدادك طيب لازم النقطة اللي انت بتبتدي تحقق - [00:05:16](#)

في هذا الامتداد تكون معمولة ومكونة وبتتعامل فيها بشكل طيب يوافق الوحي فلما تقبل على الذكر وعلى الهدى يطمئن قلبك. وتخرج الثمار الطيبة اما لو اعرضت عن ذكر الله عز وجل يكن لك المعيشة الضنك. ومن اعرض عن ذكره فان له معيشة ضنكا. في الدنيا - [00:05:36](#)

والعاقبة في الآخر بتبقى موافقة لما عشت فيه. ونحشره يوم القيامة اعمى فلما نيجي نتكلم عن عاطف وعاطف انا عايز اقول ان الدرس النهاردة في تقديري انا الشخصي من اهم الدروس اللي موجودة في عاطف وعواطف. تقدر تقوله بمثابة - [00:06:05](#)
السته الاخيرة يعني يا جماعة اللي ناوي يتجاوز يسمع الدرس ده واللي متجاوز وما سمعش الدرس ده يسمعه يعتبر نفسه لسه متجاوز النهاردة. على طول تمشي على الروشته اللي حولها. ماشي؟ انا ادعي ان دي روشته ما تخرش المية. انا انا على يقين من ده - [00:06:25](#)

فاسمع وامتلل وانا بقول لك دي مجربة. مجربة. ونسأل الله عز وجل التوفيق. اجمل بيت او اسعد بيت يجمعنا بين اي زوج وزوجة عشان خاطر يبقى بيت سعيد وبيت جميل يحتاج الى مقومات - [00:06:50](#)
يحتاج الى مبادئ لا يخالفها ابدا وان خالفها تبقى من باب الزلة اللي تستدرك على طول زي لما كنا بنقول كده لما تمشي ايه اللي يحصل؟ ساعات بتتكبل اول ما تتكبل عارف - [00:07:16](#)

انت بتاع لعب الكورة لما يتكبل عشان خاطر ياخذ فاول يعمل ايه؟ ها تلاقيه جاب لك كده يعني ايه؟ الواد يا عيني بقى تحول الى وتبقى انت يعني الراجل ده مفترض ان هو ياخذ جايزة نوبل على الواقعة دي. ما تعرفش عملها ازاي؟ تمام؟ طب لو نفس - [00:07:36](#)
دي اتكبلها وهو خلاص هيجيب جون. ايه الاخبار؟ هيلم نفسه. ليه؟ عايز يجيب فانا عايزك تجيب جون فلو فيه كعبلة دي ما حدش هيديك فول. لو فيه كعبلة في حياتك هتقع - [00:07:56](#)

انت الخسران انما لو انت لحقت نفسك في ساعتها انت اللي تكسب. فلما تتكامل في حياتك في موضوع حياتك الاسرية او حتى اي شيه استدرك سريعا استدرك سريعا قبل ما رجليك تغوص في الوحش وما تعرفش تطلع ازاي. تعالوا كده في رحلة - [00:08:15](#)
اسعد واجمل بيت يجمع اي زوجين. نمشي ورا نقاط هنعدها مع بعض ورجائي كلها هتتحط حلقة في ودن كل واحد وواحدة. واحد لتكوين اسعد بيت واحد يجب ان يتعاون عاطف وعواطف الزوج والزوجة على اقامة الدين. ابتداء كده. اسلامية اسلامية. اول حاجة هنتكلم فيها. فعلا - [00:08:35](#)

من ابتلاء من البداية يجب ان يكون هناك تعاون عشان خاطر كده النقطة دي يمكن قديمة شوية بتبتدي من امتي؟ من اول ما جبت ثور من اول ما جيت تختار مين؟ الزوجة عشان خاطر كده في فرق كبير جدا بين اما انت تختار الزوجة وبين ان انت - [00:09:09](#)
اختار البنت اللي تمشي معها. ليه؟ لان اما تيجي تختار البنت بتمشي معها من شروطها ان ما يكونش عندها دين ده منطقي انا عاجبك

لو عملت غير كده ماشي غلط. الاسس بتقول غير كده. تمام؟ اما تيجي - [00:09:29](#)

زوجة ايه اللي يحصل؟ لازم يكون عندها دين. لازم يكون عندها دين. ليه؟ لان انتم بعد كده هتستخدموا الموضوع ده طول ما انتم عايشين بخلاف الثاني. اللي عايزين يمشوا كده شوية. ايه الاخبار؟ ما بيستخدموش الموضوع ده خالص - [00:09:49](#)
مش في حاجة العلاقة المحرمة مش في حاجة للدين. انما العلاقة اللي حتى انت بتجيب اول ما تيجي تتجوز مهما كنت انت بقى ملتزم مش ملتزم متدين مش متدين بتجيب - [00:10:09](#)

الراجل ابو عمة تمام ويجيب منديله معه وهو جاي او غالبا بيقول لكم تجيبوا منديلك وبقول لك ايه زوجتك وانا زوجت وعلى سنة الله ومزهب وما عرفش يعني ايه الجو ده مع ان انتم اه مقعدين الشيخ هنا والقاعة جوة الدنيا اه - [00:10:19](#)
ايه بس تبندي ايه؟ دين على فكرة ليه؟ لان انت لا تستحل فرج لمس رأى الا بكلمة الله. واستحللتكم كما قال صلى الله عليه وسلم واستحللتكم فروجهن ها؟ بكلمة الله بمجرد الكلمة. الحرام - [00:10:39](#)
بقى حلال. بمجرد الكلمة الحرام بقى حلال. فكلمة الله كلمة ثقيلة وما دام ابتدت كده لازم تكمل كده عشان خاطر كده اللي ما بيكملهاش وما بيبتيهاش صح بيفضل طول عمره الا ان - [00:10:59](#)

تركه الله عز وجل برحمته يفضل طول عمره متعذب. عشان كده من البداية خالص النبي صلى الله عليه وسلم قال لك ايه؟ فافطر بذات الدين تربت يداك وقال للبنت اذا جاءكم من ترضون دينه وخلقه فزوجوه. فرقم واحد هنا الدين وهنا الدين من البداية -

[00:11:19](#)

طب وبعدين؟ ما احنا بنشوفهم متدينين وساعات الدنيا ما بتمشييش صح. ما بتمشييش صح ليه؟ عشان كل واحد متدين في فقط ان كان يعني دي طبعا مجاملة يعني. الناس فاهماه يعني. ولكن ان كان التدين - [00:11:39](#)
اول ما يهتم به الانسان المتدين او البنت المتدينة اول ما يتجوزه ان هم يعينوا بعض على الحطة اللي هم اختاروا بعض عشان خاطرها. اصل انا هقول لك حاجة. انا لو انا اخترت عروسة بنت معينة عشان خاطر هي عندها - [00:11:59](#)
دين واخلاق اما اتجوزها ما اعينهاش على دينها. يبقى انا بعمل ايه؟ الميزة التنافسية اللي انا اخترتها عشانها راحت هتخفق منها بالمناسبة وانا ما عملتش كده الا عشان خاطر قلة ديانة عندي - [00:12:19](#)

عشان خاطر كده انا اسف والحطة دي موجودة عند الرجال وعند النساء بس سامحوني عند الرجال اكرر على فكرة ليه؟ عشان خاطر القوامع مع الرجل انت اول ما تحصل مشكلة في اي حاجة فين مدير المستشفى؟ فين مدير المعرفش مين؟ فين الكبير هنا؟ ففين - [00:12:34](#)

كبير في البيت ها الزوج مش هو بيقول انه كبير ولا مش عايز تبقى كبير؟ الكبير تمام يبقى اي حاجة بتحصل في البيت انت مسؤول عنها. مش مش غلطتك ده هناك. يعني مدير قسم الحسابات لو موظف صغير عنده ضيع - [00:12:54](#)
المدير العام يتكلم مع مين؟ ما هو مدير قسم الحسابات هيقول له نادي لي الموظف الصغير اللي عندك؟ لا الموظف الصغير ده هيترفد هنا مدير قسم الحسابات لأ هيتزبط. تحايت زبط. انما الكبير مش هيكلم اا مش هيكلم ده ده ضايع شخص غير مسئول - [00:13:14](#)
خلاص. فاما نيجي نتكلم مين اللي دايم بيكون الحمل عليه اكرر؟ اللي معه القوامه. بصراحة اللي معه القوامه. فرقم واحد التعاون على الدين احنا بنشوف كتير تبقى بتحفظ واول ما تتجوز يبطل يوديها الدار. تبقى بتصل رحمها واول ما تتجوز - [00:13:38](#)
يبتي يقفل عليها. يبقى بينزل دروس واول ما يتجوز ترهقه في طلبات تخليه ما يعرفش يتوجه لله عز وجل في دروس او حفز قرآن او او او. القضية بقى انه ما بيقوش زعلانيين. لا الحياة - [00:13:58](#)

تخطفنا الحياة ما بتخطرش حد. انت اللي بتروح للحياة انت اللي مقبل عليها انت اللي مقبل على المشاغل. الحياة ما بتخطفش حد. الله! طب ما احنا شفنا ناس تانية الحياة ما خطفتهمش. ايه الفرق بين الاثنين - [00:14:18](#)

ده عايز يروح وده مش عايز ولما راح وداء المرارة ما هو ربنا بيقول ومن اعرض عن ايه؟ عن ذكرى فان له معيشة ضنكا لما داء الضنك ما عجبوش فقام قال لك ايه؟ اصل الحياة خطفتني والله ما بتخطف حد. ما بتخطفش حد - [00:14:36](#)

انت اللي استسلمت لها كان ممكن تقاوم شوية. الشاهد. التعاون. فاظفر بلاد الدين اذا جاءكم من تختار ام من ترضون دينه؟ من

البداية. وعشان خاطر تقييم هذا الامر فعلا كما اراده الله عز وجل - [00:14:56](#)

ذكروهن بالمعروف لن تجد معروف اكثر من اقامة الدين ومن اول اولويات المعروف ان تعين الزوجة زوجها والزوج زوجته على اقامة

دينه. عشان كده النبي صلى الله عليه وسلم قال من رحم الله رجلا قام من الليل فصلى - [00:15:16](#)

ثم ايقظ امرأته فصلت او ابت فنضح في وجهها الماء ورحم الله امرأة قامت من الليل فصلت فايقزت زوجها فصلى. فان ابى

نضحت في وجهه الماء بالمناسبة الحديث ده دائما يتقال كده ويتقال ايه؟ بس يا ريت ما ترشش عليه مائة وبتاع الجو ده. تمام؟ انا

بس عايز اقول حاجة - [00:15:35](#)

مين اللي يعمل الحديث ده يعني انت لو مراتك الصبح معلش انا بالجد الليل كدهو يا احمد يا احمد يا عاطف ايه قوم صل قيام ليل

مش فجر قيام ليل - [00:16:08](#)

امشي من وشي ازاي قوم فجابت جايبة مية وقامت على فكرة نضحت في وجهها يعني مسكت شوية مية كده وحطتها على وشها

يعني مش غرقته تمام فقامت عاملة كده هتقوم تعمل ايه؟ ايه؟ اه هتقوم عشان تطلقها. اه خليني واقعي. طب وهي لو العكس حصل

- [00:16:28](#)

وحطيت عليها ميه هتقوم ليه؟ اه هتقوم تتعمد بحاجة. على طول او هتسمك تاني يوم. على طول. مين اللي لما مراته تعمل كده

يقوم قايم كده ويقوم يصلي البيت اللي على دين اصلا يا جماعة. الحديث ده ما حدش يعمل به. الا للي فاهمه. يعني اعملوا به -

[00:16:48](#)

بس انا قصدي ان هو ايه شغال من الاول اوعى تجرى بكرة الصبح كده تشتغل فيه كده لوحده لا ده محتاج مقدمات محتاج ان انت

تختار صح محتاج ان البيت يبقى ما هو فيه اخ زوج مراته تقول له ايه خلي بالك انت كنت بتبص لفلانة الفلانية قريبتك في -

[00:17:12](#)

الله جل جلاله قال قل للمؤمنين يغضوا من ابصارهم يقوم قايلها ايه؟ انت متعلمين الادب ولا ايه؟ انا اسف. بس هي اختارته ما

عندوش دين. هي اختارته ما لوش دين. انما مين اللي تقول له كده؟ تمام؟ لما يكون هو عنده دين تقول له خلي بالك ابقى غض

بصرك. وتمسك له عينيه كده وتهزر معه - [00:17:32](#)

تقول له ايه؟ انا عايزة دي تبقى بتاعتي بس وتضحك تقوم هو ربنا يخليك لي. لما يبجي موقف زي كده يحصل تاني يبص في الارض.

يرضي ربنا ويقول بعد ما تمشي الحمد لله ان ربنا رزقني بزوجة زي دي. حافظ علي. فالموضوع من البداية - [00:18:02](#)

هي عارفة ان انت بتقوم ليل وعارفة ان انت تعبان. وعارفة ان انت نفسك تقوم. فانت اول ما تيقزت ومش قادر تقوم خالص لما المية

اتحطت عليك فوق قمت قايل ايه؟ اه صح جزاكم الله خيرا وقمت وصليت. ليه؟ لان انت بتحب كده. الدين يا جماعة - [00:18:22](#)

ده ربنا سبحانه وتعالى وهو بيتكلم عن سيدنا اسماعيل قال ايه؟ قال جل في علاه واذكر في الكتاب اسماعيل انه كان صادق الوعد

واحد. وكان رسولا. اتنين. ثلاثة نبيا. وكان يأمر اهله واحد - [00:18:42](#)

ايه؟ طب ما هو منطقي ما هو نبي ورسول يعني يعني انا ساعات اقول لك ايه ده بيصلي طب ما هو منطقي ما هو مسلم لازم

يصلي. بيقول لك ده نبي ورسول - [00:19:02](#)

ما هو منطقي ان هو يأمر اهله بالصلاة صح؟ كون ان ربنا يذكرها من مناقب سيدنا اسماعيل يبقى دي حاجة مهمة جدا جدا

واحنا يمكن بقينا نتعامل معاها بشكل مبتذل وحطيناها في درجة المنطقي تعالى بقى كلم المتجوزين لا مش منطقي - [00:19:20](#)

كام واحد دلوقتي لما بيصحى يصحى عشان خاطر يصلي الفجر بيصحى مراته عشان خاطر يصلي الفجر معه وعلى فكرة يا

اهلي ودي بس مش زوجته دي اهله دي ايه - [00:19:40](#)

البيت كله انا عايز اقول ان في كتير قوي من الناس يصحى يصلي الفجر ومش بس ما يصحيش زوجته ده كمان ما يصحيش عياله

العجيب بقى ان هو ايه يستغرب بعد كده لما يكبر ويقول لك ايه العيال طلعا مش ملتزمين - [00:19:57](#)

ليه اه وانا بسأل اه قال لها صحيح ليه شيء محير الواد بيزعق لي يا شيخ ليه؟ اه والله معك حق. ليه؟ شيء محير للغاية. يعني احتار العلماء وحاولوا يوصلوا - [00:20:16](#)

وما قدروش يوصلوا لحاجة في الآخر تمام؟ الوالد بيزعق لي وبقول له ده عقوق والدين. ومش معتبر كلامي شيء بصراحة تربيتك تربيتك انت مربيه كده انت كنت بتقوم تصلي وتسيبه. ما هو انا مش عارف - [00:20:34](#)

يعني ما هو كان صغير ما هو لازم يبقى صغير. يعني انت هتصحيه يصلي الفجر لما يبقى عنده ستاشر سنة هسعيت صار لي الفجر صحت سؤال هصحيه امتى لما يكون يصلي عايز يصلي الفجر؟ ها؟ ها؟ لا - [00:21:06](#)

سبع سنين كده يبقى الواد هيقوم يقول لك كلام مش لطيف. انا بقول لك يعني انا عارف. عشر سنين ما ينفعش ما تصحيهوش. انت من الساعة الخامسة من سبعة لعشرة دي ايه؟ اه مرة كده. مرتين يعني كل ست يعني اول ست شهور مرتين ثلاثة. ثاني ست شهور اه - [00:21:26](#)

مرة اتنين ثلاثة بردو فكده انما على عشر سنين دي ايه؟ حتقوم. يا جماعة معلش مين عنده عشر سنين طب حذاشر. تمام؟ اه جزاك الله معلش يا حبيبي ربنا يجازيك خير. قوم اقف - [00:21:46](#)

قم اقف. ما شاء الله لا قوة الا بالله. انت عندك كم سنة يعني اصغر من ده في سنتين؟ انا عندي حذاشر. كم؟ اه. يعني ده لازم يقوم. اه مش دلوقتي مش تقوم تصلي - [00:22:06](#)

لا انتم فاهمين انا قصدي ايه يا شباب؟ انتم فاهمين قصدي ايه؟ يعني باباه حبيبي ايه؟ انت عندك كم سنة؟ اتناشر. كم؟ اتناشر. اتناشر يعني باباه هيبقى شايفه ايه؟ صغير كتكوت يعني هنكرهه - [00:22:22](#)

يعني ما هو برضو يايه؟ صبرني يا رب. نفسي تبقى اخر مرة عاطفة وعواطف. ماشي. ان شاء الله هتبقى اخر مرة. ما هو يجي يقول لك ايه انا لو صحيتوا لصلاة الفجر هكرهه في الدين. وتيجي في بنت والام وهو زات نفسه يقول لك لو - [00:22:42](#)

وخليت البنت تلبس حجاب من وهي صغيرة هكرهه في الدين. الله! على فكرة ولو التزمت بكلام سيادتك تكره الدين برضو. ايه رأيك في دي؟ انا هقول لها ما تسمعش كلامك ثاني. حرام اتق الله - [00:23:02](#)

مش ربنا قال ايه انت والنبي صلى الله عليه وسلم مش قال انت ومالك لابيك الله مش قال ربنا قال واقيموا الصلاة هي اللي عندها اتناشر سنة وتلتاشر سنة دي البنت كمان الشمس تصحى تصلي الفجر معلش يا جماعة انا اسف - [00:23:22](#)

انا بكلم الاباء مش بكلم الشباب الصغير انت غصب عنك هتصلي الفجر النهاردة وتتوب لله عز وجل بس انا بتكلم عن مستوى اعلى من كده ان هو الولد مش عارف - [00:23:42](#)

قوم ليه؟ لان والده ما رهاوش على كده. ما تعودش يسيب لله. يسيب سرير لله فما تعودش يسيب السيجارة لله. فما تعودش يسيب رغباته لله. فما تعودش فما تعودتش ان هي تسيب البنطلون الضيق لله. فما اتعودتش ان هي تسيب صاحبها اللي بتحبه. مع انها لسه في سانوي لله. ومين اللي عمل كده - [00:23:52](#)

الاب والام فلو البيت مش مبني على الدين لا تلومن الا نفسك النبي صلى الله عليه وسلم قال كلکم راع وكلکم مسؤول عن رعيته. لازم البيت يبقى بيتعاون على البر والتقوى. لازم البيت - [00:24:22](#)

شف ربنا سبحانه وتعالى يقول ايه؟ وامر اهلك بالصلاة واصطبر عليها. بعد كده قال ايه؟ لا نسألك رزقا بالمناسبة ايه دخل رزق بالموضوع؟ نحن نرزقك والعاقبة للتقوى ليه؟ ايه دخل الرزق - [00:24:42](#)

وامر اهلك بالصلاة واصطبر عليها. لا نسألك رزقا. موضوع ثاني خالص اصل هو ساعات يقول لك ايه؟ انا مش عارف اركز معهم عشان الشغل مش عارف اركز معهم عشان مش عارف اركز معهم عشان عشان هو ربنا سبحانه وتعالى بيقول له ايه - [00:25:02](#)

لا احنا انت لو هتسيب الاصلاح والامر بالمعروف والنهي عن المنكر عشان الرزق انا ما امرتهاش الرزق ده بتاعي انا اللي برزقك انا اللي اعطيك والعاقبة للتقوى فالدين يا شباب - [00:25:27](#)

الدين لو البيت ما فيهوش دين انا بسأل سؤال لو البيت ما فيهوش دين الزوجة بتشتكي ليه اشتكي ليه ان هو مش سامع ان هو ما

بيعتبركيش رأي ومش معتبرك بني ادمه. انا عايز اسأل. انت بتشتكي ليه ان هي ما بتسمعش كلامك؟ هو مين قال ان انت ان هي
تسمع كلام - [00:25:48](#)

اصلا في الدين هي هو مين قال ان هي تحترمك؟ الدين هو مين قال ان هو يكرمك ويعاشرك بالمعروف الدين؟ طب لو البيت ما
فيهوش دين؟ زعلانين ليه فاوول حاجة يا شباب الدين الدين ومن البداية خالص طب البداية يا جماعة البداية انت تيجي تقول كده
ايه - [00:26:06](#)

طب انا ابتديت غلط من الاخر انا اتجوزت وكان الدين فيه ساعتها واخذ يعني رفر يمين وشمال ومقلوب ومشيش بصراحة الا
وهي. ايه الحل؟ واحدة واحدة ونلتزم. انما الحاجات اللي عليك سلطات فيها خلاص - [00:26:29](#)
منتهية. منتهية. ده رقم واحد. رقم اتنين. بالله عليك ولادك الولاد بيقفوا عامل ضغط لما بيكبروا. هم دلوقتي قدام عينيكي في
عيال صغيرة. انما لما بيكبروا وهم بيقفوا عامل الضغط. اللي بيوقعوا البيت يا بيقوموه - [00:26:49](#)
فربيهم على الدين. ربيهم على الحفاظ على الصلوات. ربيهم على غض البصر. خلي ابنك يشوفك وانت بتغض البصر عشان خاطر
يقلدك. الدين. رقم واحد وجود الدين والتعاون على حفظه. اتنين بعد الدين الاحترام والاخلاق. الاحترام - [00:27:09](#)
اخلاق رقم اتنين على فكرة كانت من الصفات اللي احنا كنا بنقولها برضو في اختيار الزوج والزوجة. الاحترام والاخلاق. يكون في
احترام زوق. زوقيات الرفيعة الاخلاق الحسنة الالفاظ الجميلة وقلنا الكلام ده في المشاكل اللي بين عاطف وعواطف بس معلش بركز
عليها ثاني هو في ناس مش هتسمع الا الدرس ده - [00:27:39](#)

كلامك مع زوجتك وكلامك مع زوجك بادب. من غير شتيمة فلو بهزار من غير شتيمة حتى لو بهزار. وبالمناسبة ومع ولادك كمان ده
ادب من غير شتيمة حتى لو بهزار من المفارقات الشتيمة يا جماعة حرام ولا حلال؟ هم؟ حرام. طب لو واحد بيشتتم ابنه - [00:27:59](#)
وانا برضو ايه يعني ساعات كده الواحد بيحتاج يفكر بصراحة لو واحد بيشتتم ابنه ده حرام ولا حلال ها؟ حرام ولا حلال؟ هم؟ حرام.
ليه؟ ليه الحرام هو الشتيمة حرام. طيب لو كان بيشتتم نفسه ما هو في - [00:28:28](#)
يهزر معهم ويقول له يا ابن يقوم شاتم نفسك. اولاً ايه قلة القيمة دي؟ ده رقم واحد. يعني الواد هيحترمك ازاي؟ ده رقم واحد احنا
لسه ما اتكلمناش في الموضوع. تمام؟ رقم اتنين ما انت بتعلمه دلوقتي ان السباب ده ايه؟ حاجة كويسة. حاجة كويسة. والولد يعمل
ايه؟ يا بابا ده انت - [00:28:58](#)

الله حكاية مش ممكن واصحابه بقى قاعدين ايه؟ ده باباه لزيظة قوي ايه ده بيقولوا يا ابني اللي بعدها طب ما يعني فين بجد؟
عايز تصاحب ابنك؟ صاحبه انت عايز تخرج معاه اخرج معاه عايز تلعب معاه اللعب معاه عايز تغلس عليه والهزار الثقيل اللي بيبقى
بين الرجالة عيب - [00:29:18](#)

ما تشتموش ليه؟ عشان الشتيمة حرام. على فكرة يعني كده ان الله عز وجل لا يحب الفحش ليس المؤمن بالطعان ولا اللعان ولا
الفاحش البذيء. سباب المؤمن فسوق. فسوق طوق ففكرة ان انت تشتم ولو بالهزار حرام. حرام. ده ابنك طب وزوجتك - [00:29:50](#)
وعاشرهن بالمعروف. خلي بالك هرجعك للدين ثاني. اللي هو اول واحد. وهرجعك للاختيار. النبي صلى الله عليه وسلم قال ايه؟ اذا
جاءكم من ترضون ديناً ها؟ ما ساعات بيبقى عنده دين. انما انا بعذر لده. بعذر. وليه اعتذر صحيح؟ مش مهم. واخلاقه زي الزفت -
[00:30:20](#)

انا يعني انا اسف بقى ساعات تشوفه كده عليه سنة لصالح وما شاء الله لا قوة الا تتكعبل في لحيته وانت ماشي. تمام وايه الاخلاق
دي وانا مش بربط بين الاتنين بس انا بقول معلش وانا اهو ملتحي اهو عشان خاطر ما حدش يقول انا بهاجم الملتحيين ما انا ملتحي
زي - [00:30:40](#)

ومطلقة تمام انما الراجل اللي بيبقى ملتحي لما بتطلع منه الغلطة بتبقى بصراحة اشنع بصراحة عارف كده زي ايه؟ زي اما
يجي دكتور جامعة يتسأل سؤال ويجاوب غلط في مادته - [00:31:00](#)
هذاك ترى ايه يا ريس نجيب معيد يجاوب مكانك ولا ايه كده لو في مادة غيره مش مهم فانت مبدئياً عليك شعار التدين شعار

الالتزام ممتاز يبقى الغلطة منك هتبقى اشنع بصراحة - 00:31:20

خلينا واقعيين ولكن سواء كان كده او مش كده ما انا برضو مش عايز اختزل التدين في اللحية ساعات الناس تقول لك ايه الحمد لله مش ملتحي بزاميط بقى. اعمل اللي انا عايزه. ما هي برضو ما نختزلش التدين في اللحية - 00:31:42

وين اللي تبقى صح؟ تحية محضة يعني. تمام؟ ولكن الاخلاق. ومن الناحية الثانية اخلاق سعادتك برضو. لو سمحت اذا رآها سرته. الودود الولود الودودة. اللي تتكلم كلام جميل كده اخلاقها اللي لا تخالفه في نفسها ولا مالها اخلاق بنت الناس اللي ما تطلعش منها

لعيبة انما تلاقي مسلا زوجة - 00:32:00

تشتت زوجة تزق زوجة تعابير فين الاخلاق؟ انما لو التعامل باحترام وبادب حتى في الهزار وانا كل شوية اقول كلمة ايه؟ حتى في الهزار. لان الموضوع بيبتي هزار. يا كلبوبة - 00:32:32

تمام؟ وبعدين؟ خلاص بقى. خلاص ما هي الالفاظ الغير جيدة دخلت البيت. بالمناسبة يعني بالمناسبة. ابنك وبنتك لما ييجوا بقى يهزروا مع بعض او يتخانقوا هيقولوا ايه؟ لا حدث بقى ولا اتخرج. ليه؟ جايبينه من مين؟ منكم فوق؟ فلو سمحت. لو سمحت -

00:32:52

الاخلاق الاخلاق بكل درجاتها ابتداء من الالفاظ للحركات للسمت للهاء اخلاق طريقة الكلام حتى. ما هي في حاجات ما بتبقاش ايه آ اشارات لأ دي افتكرت موقف اا كان حد - 00:33:22

مش عايز اقول ساعات بيحصل ان هو ايه واحد يجي كده يقول لزوجته حاجة وهي واحدة موقف من الحاجة وهو مش شايفها طبعاً في ناس فاهمة يعني. وهو مش شايفها وهو بيتحرك في البيت ناحيتها - 00:33:50

يقول لها ابقى هاتي لي كزا وهو ايه رايح ناحيتها عبال ما اخلص الكلمة كان وصل عندها. هي سامعة صوته بعيد فقامت عاملة ايه؟ حاضر. هو شاف دي هي قالت له ايه؟ حاضر. انما ايه اللي عملته ده؟ ده هي حتى ما قدرتش تعملها قدامه. مش عايز - 00:34:10

اقول لكم الموقف ده بيحصل فيه ايه؟ وهو الراجل بيحس انه اتهان والراجل لو راجل لا يقبل الالهانة. لا يقبل للالهانة. فلما هي تعمل كدهو يبقى خالفت الاخلاق اللي هي بمقتضى الدين. اللي هي تخرب البيت - 00:34:40

فرقم واحد رقم اثنين الاخلاق. رقم اثنين الاخلاق. ثلاثة القيام بالواجبات قبل انتظار الحقوق. بصوا يا شباب لكل عاطف عايز يتجوز بكل عواطف مستنية عاطف ييجي يتجوزها. اما تتجوزه او عوا تتعاملوا بالمقايضة - 00:35:00

مش هعمل لها الا اما تعمل لي ومش حديها الا اما تخلص لي. ومش هجيب لها الا لما مش هتستمر الحياة. مش هتستمر. اعمل اللي عليك واجرك عند ربنا. اعمل اللي عليك والبر لا يبلى - 00:35:30

اعمل اللي عليك انت الاول انت الاول انت تبدأ بالمناسبة ده الكلام ده لمين؟ للمريض. لاتنين. اعلمي اللي عليك الاول وما تفكرش اعلمي اللي عليكي ومتقوليش اعلمي اللي عليكي ومتنبهيش اعلمي وانت اعلم متفكرش في الطرف الثاني خالص انت بتلعب

اسكواش - 00:35:54

انت يعني عارف في في حطة وحطة انت بتضرب وفي واحد الناحية الثانية. الاسكواش بقى العكس انت واقف انت والحيطة وعمل تكلم نفسك يا عيني. تمام؟ انت بتكلم نفسك اعمل الحاجة قدم المعروف قدم المعروف قدم المعروف لان ربنا قال

وعاشروهن بالمعروف فلازم تعامل زوجتك - 00:36:18

بالمعروف وفي نفس الوقت هي نفس الكلام. قدمي المعروف قدمي الكرم. قدمي الطاعة. قدمي وما تستنيش ليه؟ لو افرضي ما قدمش. بقى في اتنين ناقر ونقير في البيت. طب معلىش - 00:36:42

هيجي في دماغ واحد دلوقتي او واحدة دلوقتي ايه؟ طب ما انا لو هفضل كده طب ما انا يعني ما الحياة مش هتستمر انا هفضل ادي لاد امتي؟ ما الانسان طاق جاي معك - 00:37:04

يعني معلىش واحدة واحدة وهوصل احنا في الصف رقم ثلاثة. فرقم ثلاثة ايه؟ اعمل اللي عليك اعمل اللي عليك اياك ان تفعل او تقيم بيتك بمقابل من زوجتك. المقابل من - 00:37:14

ربنا سبحانه وتعالى انت مش بتشتغل ببلاش. فتلاتة القيام بالواجبات قبل انتظار الحقوق. اربعة. اربعة دي مهمة قوي يا شباب

التكامل التكامل التكامل في ايه؟ في كل شيء. التكامل في المشاكل. يعني ايه التكامل الاول - [00:37:34](#)

يعني دي دي تكملها ولو نص كمان انتقطع وبقى من هنا بقى الحتة الصغيرة اللي هنا تكملها. والالم ده الغطاء يكمله. والحتة اللي في

في الاخر دي اللي مش عايز تطلع بردو تكمله. طلعت في دماغي. بعد الدرس - [00:37:54](#)

كده برضه. نكمل بعض. نكمل بعض مينفعش انت ترخي انا ايه؟ لا ليه اشد ما انت مرخي ارخي ارخي انا كمان طب ما انت رخت ايه

العكنة دي؟ هو انا لازم نبقي مشدودين اه انما اننا لو شديت - [00:38:24](#)

انت ترخي انت شديت انا بخي واحد اتفرز وطلعت منه الثاني يهدي بسرعة بالمناسبة ويسيبه يهدي وبعد كده يرجع يتكلم معه.

فلازم نكمل بعض في المشاكل. اتنين نكمل بعض في الرأي بايه؟ بالمشورة. معلش. هنجيب حاجة في - [00:38:50](#)

بيت احنا كده كده محتاجينها. اصل انا بشوف ده يا جماعة. تمام؟ تلاقي زوجة لما تطلع في دماغه قرار يقوم واخده وخلاص وشكرا

لانه هيجيب حاجة ممكن بتليفون ولا مكالمة ولا ايه رأيك؟ الفكرة ممكن تقول له لا انت بتقول له جبتها ممكن تقول له لا مش -

[00:39:19](#)

احتياجها دلوقتي وتوفر لك يا سيدي. ممكن تقول لك اه بس عايزنها اللون الفلاني. مدارس الولاد مسلا ضمن الحاجات اللي بتبقى

المشاكل الضخمة. ما تقعدوا مع بعض تاخدوا قرار اي حاجة تانية وفي نفس الوقت في حاجات كدهو بردو بتبقى الجن في قرارات

تقول لك ايه لا بس ده قراري لوحدي - [00:39:39](#)

انا مش بقول كلمة بقى عن عاطف بقول كلمة عن عواطف. يقول لك بس ده قراري لوحدي. في حاجات الستات ساعات بتاخذ فيها

قرارات بتودي البيت في في داهية. عارفين زي ايه؟ البيت يا جماعة لو ما فيهموش تكامل بين الزوج والزوجة بيحصل فيه كمية

مصايب لا حصر لها - [00:39:59](#)

هقولكو مشكلة انتو عارفينها ساعات تلاقي واحد ييجي يحكي لك يقول لك انا بحب بنت ممتاز بس آآ خلي بالك قل لي استنى ليه

مامتها عارفة وكلمتها مامتها عارفة وكلمتها؟ اه يقول لي والله - [00:40:19](#)

وبعد كده تلاقي ان الام عارفة فعلا وكلمت الولد فعلا والبنت والولد بيحبوا بعض فعلا وعلى تواصل وبيخرجوا مع بعض فعلا والاب

مش عارف حاجة والام بشكل يعني او باخر فاكدة ان هي بتتعاون وبتشيل حمل عن - [00:40:41](#)

الاب ان هي بتحافظ على العلاقة لحد ما ربنا يكرم ويتجوزه. وتقول لك اصل لو الاب العرف عمره ما اقبل انا عايز اقول لكلام بتعمل

كده انت خاينة. خاينة خاينة لربنا لان مش من حقك خاينة لجوزك - [00:41:07](#)

لانه عمره ما هيقبل بحاجة زي كده وبالمناسبة لو اتجوز عليك هتزعلي سؤال ليه؟ ها؟ هو هتعتبره ان هو خانها بالرغم ان هي خانتة.

انا ببقى عايز اقول الام اللي تعمل كده في رأيي الشخصي لا تستحق ابتداء ان تكون ام. اتنين لا تستحق ان تكون - [00:41:27](#)

زوجة لا تستحق. بكل حسم لا تستحق. وانا بقول لك لو انت بتحب واحدة مامتها راضية بكده سببها لان هي هتقلد مامتها. البنت دي

مش بنت ناس ده رأيي انا الشخصي. البيت ده الام فيه بتخبي على الاب. وبتخبي - [00:41:57](#)

عليه حاجات محورية جدا ان بنته ماشية مع واحد. يقول لك ايه؟ ما هو لو عرف هيقتطم رقبتها وانا برضو مش هينفع اعرف ان بنتي

ماشية مع واحد واجيب لها هدية آآ جايزة نوبل. واجيب بتاعة اليوم السابع تقول - [00:42:27](#)

نوبل آآ ايه النظام؟ ايه النظام؟ نوبل ايه الاخبار يعني العجيب مش اللي هي السؤال العجيب مش في السؤال يا شباب العجيب في

الاصرار ان هي تقول ان هي من مصر - [00:42:47](#)

امك كانت ماشية كان ممكن يفتكروكي من اي بلد تانية يعني العالم فيه بلاد كتير تتشرف بوجود حضرتك. اكيد لازم تقولي انت من

مصر فضحتنا بصراحة حقيقي حقيقي اه اقول للي ليه واياه؟ اقول له ايه؟ يعني لما ييجي الدرس هنا يقول لي احنا كذا

وبتاع - [00:43:17](#)

فقدش ربنا يهديه. قولوا امين دي لو حصلت تبقى جميلة. دي لو حصلت كلنا نفرح. يا رب اهديه يا رب يا رب اهديه يشاهد ان ما

ينفعلش ما ينفعلش. لازم نبقي فاهمين ان احنا - 00:43:42

بنكمل بعض فاحنا الاتنين بنكمل سورة واحدة مش مفصولين عن بعض بحاجة لما تعرفي زي الام اللي تعرف ان ابنها بيشررب سجاير وما تراضاش تقول انا اعرف يا جماعة قصص فيها ان الولد بيشررب سجاير بقى له اكثر من خمس ست سنين - 00:44:03
ولما ما يعرفش وبعد كده اتفاجأ كانت الام بتقول ساعتها ما اقدرش اقول له لو قلت له ممكن يجي له حاجة. طب ولازم يجي له حاجة قال هم هيجي له ايه يعني - 00:44:23

يعني ما هو لازم يحصل حاجة زي كده هي لازم تحصل مشكلة. على فكرة هو الدنيا لازم يكون فيها مشاكل وبالمناسبة ما كانش تصرف سليم قوي لما اللي عرفت ان ابنها ان بنتها بتحب ولد ان هي تبقي على العلاقة - 00:44:36
ولو ان في ناس بيبقي عندها مبدأ اللي هو ايه يبوز قدام عيني احسن ما يبوز بعيد عني. ارجع ثاني؟ الدين الدين يا شباب الدين يا بنات الدين والاخلاق - 00:44:52

الله المستعان. فالتكامل فلما يحصل مشكلة وفيه تكامل بين الزوج والزوجة ده يرخي وده يسيب. لما يحصل تكامل في قرار حيتاخذ في البيت يكون فيه بينهم وبين بعض مشورة لما يحصل تكامل في مسئوليات البيت يحصل تعاون عشان خاطر كده النبي صلى الله عليه وسلم من صفاته انه كان في مهنة اهل بيته - 00:45:15

تكامل يصحى الصبح كده الزوج يلم الغسيل يصحى الصبح كده تطلع في دماغه يغسل المواعين يصحى الصبح مش كل يوم يا عواطف. ده مرة هو ما كنش فايق فيفوق على المواعين - 00:45:37

انما مش كل يوم بقى. بكرة تنيمه في المطبخ انما يعملها يعملها يقولها عنك هبقى انا اللي اعمل انا اللي اخلي حاجات بتاعة البيت اللي هي ما يعملهاش الا الستات. يعمل ايه هو؟ كل فترة وفترة قصيرة كمان يعملها لنفسه. يقوم يجيب لنفسه كوباية المية - 00:46:03
يعمل بعد ما مراته بتشيل الاكل من على الترابيزة يقوم هو يقول لها ايه؟ انا هعمل لكم شاي. على فكرة حلوة ان هو اللي يقوم يعمل الشاي هو اصلا بيعمل ايه بعد ما ياكل؟ يقوم كده ويقعد على السرير - 00:46:29

الشاي عواطف. ايه الجو بتاع سي السيد ده! ايه الجو ده! اه يعني مرة ماشي ماشي اعمل كدهو مرة بقى جيب لهم الشاي وقلهم ايه والولاد على فكرة هو ده بقى الاب الجميل مش الاب اللي يقول لعياله يا - 00:46:49

يعني هو ده الاب الجميل. اللي يجيب لهم كده كوباية شاي بعد الاكل. كم معلقة؟ هتلاقي الواد بيبص له كده ايه ده انت جميل قوي بابا يلا معلقتين بابا قلد. هيبقي الجو حلو. على فكرة هو ده الاب اللي الولد لما - 00:47:09

يحصل موقف معين حتى لو الولد اعجب بواحدة. مع ان الاب متدين ومعروف بالتدين قوي. يقول يا بابا انا عايز اقول لك مشكلة ايه كذا كذا كذا ما هو عارف ان ابوه صاحبه. في واحد ثاني عارف ان ابوه هيحطه على المقصلة اللي جوة. اول ما يعمل كده -

00:47:29

فيكون في تكامل. التكامل بقى بكل صور وفي المسئوليات بالتعاون في القرارات بالمشورة في اي حاجة في المشاكل اللي بتحصل بان ده يسيبه ده في اي حاجة. دور على صور التكامل بس حققها. فاربعة التكامل. خمسة الكرم - 00:47:50

الكرم خليك كريم. وخليك كريمة كريم في ايه كريم في الالفاز كريم في المشاعر كريم في العطاء كريم في الالفاز الفازك كريمة وحلوة وجميلة اختار احسنها وكريم في المشاعر قل يعني خليها تحس ان انت مبسوط بها - 00:48:11
وانت خليه يحس بنفس الكلام. خليه يحس ان انت كريمة. يعني انا اسف ولكن هناك بيوت تشعرب فيها بقدر كبير. من تقشف المشاعر بالزوات لما يبقى البيت بقالو فترة طويلة وبقت الاب بيقول الزوج بيقول لزوجتو يا ماما - 00:48:39

والزوجة بتقول لزوجها يا بابا تتحول البيت لعبارة عن كله عيال صغيرة. فبابانا راح فين على فكرة انا بقول لعواطف اللي عندها اربعين سنة واللي اصغر طبعاً. عاطف اللي عنده خمسة واربعين سنة وفوق وخمسة وتلاتين سنة وفوق واربعين سنة وفوق. نفسه مرة يسمع منك اسمه - 00:49:05

على فكرة الانسان يحب يتنادى باسمه. يشعر بالثقة كده. باسمه. انما يا بابا يا بابا يا بابا ويا ماما يا بابا وبعدين؟ اما انت بابا وهو ماما

ودول عيالكم انتم جيتوا منين؟ يعني مين جاب مين - [00:49:31](#)

اكيد في اكيد السلسلة دي لها نهاية. لكن اكيد في اتنين اتجوزوا في البيت ده. هم فين؟ طلعهما لي فيكون في مشاعر يكون في

مشاعر يكون في الفاظ كريمة يكون في عطاء جيب لمراتك هدية بالمناسبة ومن غير مناسبة - [00:49:51](#)

اه جنباه قلناه النهاردة عيد العمال. جنباه هدية يوم الاثنين والله النهاردة اجازة الحلاقين. يعني اعمل اي حاجة. وبالمناسبة انت برضو

جيبني له هدية. ومن غير مناسبة. ما هي لازم تستحلاها. يقول لك هتستحلاها. ما هي لازم ما هي تستحلاها - [00:50:11](#)

منك احسن ما تستحلاها من حد ثاني ودايما فكرة ايه؟ لا لا لا مستحيل حد ثاني. انا عايز اقول لكم وانتم عارفين انا بييجي لي مشاكل

فيها حد ثاني وعواطف عندها خمسة واربعين سنة وخمسين سنة والله العزيم ويكون الشخص الثاني اقسم بالله - [00:50:31](#)

ما عدا الثلاثين سنة. وهي معروفة بالتدين. كمان اقسم بالله العظيم وساعات بيبقى فيه حاجات بقى لها سنين. سنين سنين وهو مش

مخونها ابدأ بالمناسبة واما بتتكلم في التليفون تقول لي ايه؟ هو مش معي - [00:50:54](#)

خالص خالص ومش شرط يكون بيت بايظ ساعات بيبقى كون هو متدين بس هي بني ادمه وانت فتنها في دينها لما ما اشبعتهاش.

المصيبة مش في كده قلت الكلمة وهكررها ثاني. المشكلة مش في ان هي شئ غير ولكن المشكلة ان هو بيطلع من شخصيات غير

متوقعة. ويفضل - [00:51:23](#)

ده الشيخ فلان الراحل المحترم المؤدب المتدين الكبير في السن اللي عمره ما يتخيل ان اهل بيته كده عنده المشكلة دي مع اقرب

الناس ليه مع زوجته وهو مش مخون - [00:51:51](#)

عشان خاطر هو افتر ان هي بقت خلاص ماما ما ينفعش الا ان هي تاكل وتشرب وتخرج وعايزين نفرح بعيالنا. احنا عايزين نفرح من

غير عيالنا عادي. سرب العيال وانزل واخرج. اعمل حاجة فعلا. والكلام ده لمين يا جماعة؟ ده انا بضرب مثال بمين - [00:52:10](#)

بدون ما بالك باللي عندها اتنين وعشرين وخمسة وعشرين سنة ما بالك باللي عندها ثلاثين سنة وخمسة وتلاتين سنة ما بالك عندها

احتياج. فوق قبل ما تصحى على مصيبة. خليك كريم المشاعر. خليك - [00:52:32](#)

كريم المشاعر كريم الفاظ كريم العطاء جيب هدية وجيبني له هدية انت كمان. جيبني له ميداليته مقطوعة بقى لها سنة جيبني له

ميدالية حيفرح. محفظته متهالكة. جيبني له محفزة هدية هيفرح - [00:52:52](#)

ومن غير مناسبة خمسة الكرم ستة الشكر والتقدير شكرا مش قدمت لك كوباية الشاي قل لها شكرا مش حطت لك الاكل؟ قل لها تسلم

ايديك. مش على ميت لك العزومة اللي اهلك جم فيها وكلوا وانبسطوا - [00:53:12](#)

قال لها شكرا ومش بس شكرا شكر واياه؟ وتقدير وانت بتاكل كده ومامتك قاعدة شفت يا ماما اكل احلى من الاكل ده غير اكلك طبعاً.

يقول لك لا طبعاً. ما اعرفش ايه. سيبك من مامتك. ممكن مامتك تقوم راده ايه؟ ومين يشهد للعروس - [00:53:35](#)

ايه؟ تمام؟ يعني عديها بقى قل لها ماما ايه الاخبار؟ وفيروس سي اخباره ايه؟ اي كلام في اي اي حطة يعني نروح اي مكان اعمل اي

حاجة. تمام قدرها يقول لك ما هي لازم تعمل كده. على فكرة لازم النبي صلى الله عليه وسلم قال من لم يشكر الناس - [00:53:55](#)

لم يشكر الله من شكر الله عز وجل ان انت لو حد اسدى اليك معروف ان انت تقول له شكرا. واذا تأذن ربكم لان شكرتم لازيدنكم ولئن

كفرتم ان عذابي لشديد - [00:54:18](#)

وفي نفس الوقت الناحية الثانية هو بيدكي مصروف كل شهر تسلم لي تسلم ايدك ربنا يبارك لك. كل شهر؟ اه كل شهر كل شهر وهو

بيجيب لك اي حاجة مع ان هي من عادته ولازم من لوازم البيت. تسلم ايدك ربنا يخليك لنا - [00:54:34](#)

ربنا يبارك لك. والله من غيرك ما طب ايه لازمة الكلام؟ هو يحس كده ان هو ايه؟ مبسوط. ابسطيه لله ليكي اجر النبي صلى الله عليه

وسلم قال انما هو جنتك ونارك - [00:54:56](#)

فابسطيه قلني له شكرا قلني له قلني له وجزاكم الله خيراً. قلني له ربنا يخليك لي. قول لها تسلم ايدك. قل لها ما فيش اجمل من

كده على فكرة والحاجات التقديرية الجميلة الحاجات التقديرية الجميلة تقدير زوجة وتقدير الزوج بيعجبني قوي - [00:55:11](#)

موقف آ عمرو بن العاص لما راح للنبي صلى الله عليه وسلم قال له يا رسول الله من احب الناس اليك؟ قال له ايه عائشة ايه ده بصوا

سيبكم من الموقف ده. خالص حط لي بقى - [00:55:31](#)

موقف ثاني ان واحد شاف الموقف ده وراح قال للسيدة عائشة هي ام المؤمنين نعم سيدنا عمرو ابن عاص كان يبسال النبي صلى الله عليه وسلم بيقول له من احب الناس اليك؟ تفتكري قال مين؟ وقال مين؟ ما هي مراته بقى قال له - [00:55:51](#)

عائشة طبعاً ما انا عارفه. مثلاً هتحس بايه السيدة عائشة هو قالها الكلام ده كان هي موجودة فيه؟ ابدأ. ابدأ. انما هتحس بايه اه محمد صلى الله عليه وسلم زوجي لو الموضوع ده حصل لك بقى - [00:56:11](#)

التقدير شكله عامل ازاي؟ التقدير يا جماعة. الشكر والتقدير. الاتنين. شكراً. جزاكم الله وخيراً في كل عمل حتى لو كان من واجباتك شكراً في كل عمل حتى لو كان من واجباتك شكراً تتقال جزاكم الله خيراً - [00:56:41](#)

تتقال ربنا يخليك لنا تتقال ربنا يخليك لنا تتقال ربنا ما يحرميني منك انت اجمل حاجة حصلت في حياتي تتقال. حتى لو متكلفة تتقال عشان الحياة تستمر. والتقدير التقدير قصاد الناس. تقدير حتى لو كانت هي مش موجودة - [00:57:01](#)

نفس الكلام بيحصل الناحية الثانية لو الزوجة بتتكلم عن زوجها ما هو ساعات الزوجة تتكلم عن زوجها تقول فيه شعر وساعات تقول فيه ايه هجاء هجاء طب ايه الحل؟ يعني لما خدنا في حديس ام زرع اه بتاع العشيق ده تفتكر لما مراته عرفت اما هو زوجها عرف - [00:57:21](#)

ما هي قالت عليه عشانك. تلاقيه عشان نقاهة في السقف. اه والله. طب ابو زرع بقى لو عرف ام زرع قالت في ايه؟ حتى لو ما رجعلهاش ثاني هيقول ايه؟ كانت ست اصيلة. التقدير يا شباب - [00:57:42](#)

الشكر والتقدير. سبعة الايثار والبحث عن عن سعادة الاخر الايثار والبحث عن سعادة الاخر. انت الاول. عندك عريية. افتح لها الباب. هي تركب الاول. معكم شيء انت اللي تشيل عشان هي تستريح. بتركبوا تاكسي ولا بتركب ميكروباس؟ افتح لها الباب - [00:58:02](#)

وهي تخش الاول طب ايه ده ده فيه راجل جوة خلاص خش انت الاول وبعد ما تركب مد ايدك اقل انت الباب. في تحت كده تقدمها عليك اتعملت كيكة ولا تورتة في البيت - [00:58:29](#)

دوقها بلاء انت تحطي ايدك الاول ليه؟ عشان تحلوي فعلاً النبي صلى الله عليه وسلم عشان فيها سم بص اقول لك عشان لو فيها سم تصدق جوازتك عندي. اه. اه انا انا هجيب لك اللي تتجوزك - [00:58:45](#)

في واحدة لسه مطلعينها بكفالة دي عروسة هائلة. ايه الناس دي يتجوزوا ازاي دول؟ الجيل ده المفترض ما يتجوزش. يعني نقعد جيل اجازة والجيل اللي جاي يتجوز. اه لأ الله يصلح الحال. يا رب استرنا - [00:59:08](#)

فكرة الايثار النبي صلى الله عليه وسلم كان بيعمل ايه؟ اه كان لما السيدة عائشة تشرب كان ياخذ منها ياخذ منها الكوباية اللي شربت منها ويدور هي شربت مين؟ ويحط شفايفه على موضع شفايف السيدة عائشة. بيتودد لزوجته. ده النبي يا جماعة - [00:59:38](#)

ده النبي انت تعمل كده تؤسرها تعطيها الاول تكرمها هي الاول. على فكرة طب وهي تعمل ايه ها؟ هتؤسرك انت الاول. متخيل البيت انت الاول وانت بس مش في الاكل يعني في الموضوع ده ما تطولوش لان كده هتموت - [00:59:58](#)

انتم الاتنين من الجوع. انما انا قصدي ايه؟ انما لما كل واحد يكون يفكر في الثاني كل واحد بيدور على سعادة الثاني كل واحد بيدور ان الثاني يكون مستكفي ده بيت سعيد. بيت كريم. بيت جميل. انما لما كل واحد يفكر في نفسه - [01:00:18](#)

وانا اجيب لنفسني الاول. اصل احنا بنشوف كده اللي يغير تليفونه ومراته ماسكة الكاتيل ابو انتينا ده اه او البنان عارفين مين مين حضر البنانا؟ ها؟ اه البنانة ده يا جماعة نزل ايام ما احنا كنا بنقول لبعض ايه - [01:00:38](#)

اه في حاجة اسمها موبايل بيقول له ايه؟ يقول له موبايل. ايوا بيعمل ايه ده؟ ده تليفون في الشارع. يا عم بلاش بلاش شارع كده وبتاع غير غير اللي هو كان ايه اللي احنا ابو كارت ده اسمه ايه؟ ميناتيل اه ياما عاكسنا ناس فيه - [01:00:58](#)

كان حل لنا مشكلة الميناتيل ده الرقم ده. يعني تبقى دي ماشية بينانة وده معه آاه معه ابل. طب ايه؟ ينزل يجيب لنفسه الاول. ويعمل لنفسه الاول. ويخلي نفسه الاول - [01:01:18](#)

وهي هي دي بقى الزوجة اللي لما تحاول اللي تقدر تجيبه بتجيبه اما تقدر تخطف حاجة تخطفها. انما لو كل واحد بيفكر في الثاني الوضع يختلف تماما تماما نسأل الله عز وجل ان يرزقنا الثارة. يقول الله جل في علاه ويؤثرون على انفسهم ولو كان بهم خصاصة. **بيحبيني قوي موقف - 01:01:38**

ساعات اه يبقى بيت مزنوق ما هو البيوت بتتنزق يعني. والوضع على قده شوية فهم بياكلوا يبقى في بروتين يعني فراخ لحمه بس حاجة بسيطة. اللي ياكل نص اكل عشان خاطر مراته تشبع. احنا بنشوف حاجات زي كده - **01:02:06**

ده بيت كريم غير اللي بيعملوا معركة عشان خاطر يشوفوا مين اللي هياخد الاول. فعلا يقول لك اه الراجل له وحاطز اتنين من الستات. هو راجل يستحمل انما الست ما تستحملش. النبي صلى الله عليه وسلم قال رفقا - **01:02:25**

بالقوارير. طب هي بقى تقول ايه؟ انا ست استحمل. انما هو راجل بيشقى برة هو اللي يتقدم. لو ده البيت يبقى اسعد بيت تمانية سبعة الايثار والبحث عن اسعاد الاخر. تمانية الاحتواء والاحتواء والاستماع - **01:02:45**

عن الاخر انك تحتويها وهي تحتويك. المشكلة دي بتبقى موجودة من الطرفين مش من طرف واحد. هي محتاجة حد يسمعها؟ اه واضحة دي مش محتاجة شرح. هو بقى عواطف محتاج حد يسمعه؟ اه. - **01:03:05**

احيانا ما بيجيش يكلمك عشان خاطر بيجس ان انت في وادي وهو في وادي. عارفة انت لما تيجي تسمعيه وتحطي نفسك في نفس الوادي بتاعه حتلاقيه عامل زي الطفل الصغير وهو جاي يشتكي لك من حاجات. نفسه يفرغ بس احيانا انت ما بتديلوش الفرصة.

طبعاً انا بشتكي - 01:03:25

بالنيابة عن ناس كتير ومن الناحية الثانية انا عارف ان الستات والبنات بتتكلم اكثر من الرجالة بكثير مع جوزها انما الرجالة بتتكلم كتير برضو. بس مع صحابها. فلو سمحت زي ما انت بتسمع من صاحبك كتير اسمع من زوجتك كتير لان لو زوجتك انت ما سمعتهاش

- 01:03:45

حتنشغل عنك عشان في حد ثاني حيسمعهها. وتحمد ربنا لو كانت واحدة صاحبته ولكن يجب عليك ان تعلم مسؤوليتك انت قوام في البيت لازم تمتصها متنفزة امتصها عصبية امتصها عندها قصة وعمالة تحكي لك عن حذاء حذاء نزلت شافته في المحل -

01:04:15

وقسط الموديل كذا وطلع صغير انت عارف اصل وش رجله بيبقى وانت بقى اه وش رجله اه يعني اهتتم اهدي حسسه ان وش رجله ده موضوع ممكن نتكلم فيه سنة. بس احنا هنتصره دلوقتي عشان والله وهتلاقيها مبسوبة جدا. بالمناسبة انت بتتخيل -

01:04:47

الزوج بيتخيل ان هو دايماً عنده المواضيع الكارسة المواضيع المهمة وهي مواضيع هايفة ولا لها اي لازمة. صح؟ عايز اقول لكم مش كده خالص احنا ساعات بنهتتم بامور هايفة جدا. من وجهة نظرنا. خايفة جدا من وجهة نظرنا. شئ - **01:05:07**

المؤسر تماماً وانت عامل عليه حاجة قد كدهو ايه رأيك ايه رأيكو نتعامل مع بعض بعقول بعض مش بعقولنا احنا لما الاقيك مهتم بحاجة انا كزوجة لما الاقي زوجي مهتم بحاجة هخليها من اهتماماتي واسمعه فيها. وانا كزوج لما الاقي زوجتي مهتمة بحاجة -

01:05:27

هخليها من اهتماماتي واسمعهها. طب انا تعبان مدايق مش طايق مش وقته. ما دام فتحت يقفلهاش ليه؟ انت هتخسر وهي هتزعل. فانتهم الاتنين هتبقوا خسرانين. فتمانية الاحتواء والاستمتاع والاستماع. تسعة التناصح من كام يوم واحدة اتكتبت كومنت على

الصفحة بتقول ايه - 01:05:47

بتقول طب الراجل يعظ زوجته لما تخالفه. ويهجره في البيت ويبقى ضرب التأديب اللي هو بالسواك ده لان لازم الامر. طب والزوجة تعمل ايه؟ صحيح الزوجة تعمل ايه؟ بصراحة يعني الواحد - **01:06:16**

برضو وقف مع السؤال ده بتعمل ايه؟ دي غلبانة قوي. عارف الزوجة تعمل ايه؟ تقول حسبنا الله ونعم الوكيل عارفين الزوجة تعمل ايه؟ تختار صح. بالله عليك اختاري صح. عشان لو كان جوزك ما بيقبلش النصيحة - **01:06:36**

متكبر ما هو فيه زوج كده وفيه زوجة كده بس الزوج بيلقي متنفس لما هي ما تقبلش النصيحة بيزعق. ويكسر الدنيا شيء ولو الامر زاد قوي قوي ممكن ينفضل. انما الزوجة هتعمل ايه؟ هتعمل ايه - [01:06:56](#)

لا لازم ما هي بس هو يقبل. خلي بالك يا حبيبي. انا محتاجك تسمعي اليومين دول. يعني اسمعك ولا اشتغل واشوف شغلي. ما هو برضو ربنا عرفوه بالعقل. دي هي قالت له ايه؟ كلمة قد كده - [01:07:19](#)

بتقول له محتاجك تسمعي ولسه ما كملتش؟ لسه ما كملتش؟ انا بقول من احد اعظم الامراض اللي الام قولها دلوقتي عدم قبول النصيح. وقد قال النبي صلى الله عليه وسلم الدين النصيحة. فلو سمحت - [01:07:39](#)

اسمع نصيحة زوجتك هتلاقيها هتشتكي هتشتكي لمين اذا كان انا لسه قايل لها في السلسلة من اولها لو سمحتي ما تقولي عيوب جوزك على المأ ولا تشتكي برة البيت وانت ما بتسمعاش تموت يعني - [01:07:57](#)

ما هي لازم تقول لحد فبتقول لمين؟ للبرة ترضى ان مراتك تشتكيك برة؟ يبقى تسمعا انت ما سمعتها انت هتشتكي برة طب انت ما هو في زوج اللي هو ايه؟ المبرراتي وفيه الزوجة المبرراتية برضه - [01:08:18](#)

انت ليه عشانى طب وخلي بالك انت عملت ما هو اصل كان. طب وخلي بالك هو كان في لأ ما هو انا كان لازم اعمل عشان خاطر. طب كل حاجة كده ليها مبرر - [01:08:34](#)

يعني ما فيش مرة تطلع غلطان؟ ما فيش مرة تقبل؟ لازم تصدني وتتخايق معي؟ وفي نفس الوقت من الناحية الثانية. بس بالمناسبة يا عواطف وانت بتنصحي زوجك انصحيه بشكل كويس. ساعديني ان انا اسمع الكلام وما يغلبنيش كبريائي كرجل لان كبريائي كرجل. بين قوسين صفة - [01:08:44](#)

مزمومة ممكن تغلبي. جملة واضحة ولا اعيدها ثاني؟ لان كبريائي كرجل بين قوسين صفر مزمومة ممكن تغلبي يعني السوء اللي جوايا يغلبي عشان انا وحش. لو حلو هسمع نصيحتك حتى لو قلتها لي بطريقة وحشة. انما لو انا - [01:09:04](#)

وحش ساعديني عشان انا وحش فقوليها لي بطريقة كويسة ومن الناحية الثانية لما يجي جوزك ينصحك بحاجة اسمعيه اسمعيه للآخر هو مش بينصحك عشان بيتهمك هو بينصحك تصلحي الغلطة اللي موجودة عندك فالدنيا تبقى افضل عشان خاطر تتصلح الحاجة فالحياة تبقى احسن فتسعى التناصح عشرة - [01:09:28](#)

بعد التناصح الاعتراف بالخطأ مش سمعتك اعترف بقي. طب وبعد ما اعترف؟ اشتغل على الغلطة. مش اعترف ده يعترف وده يعترف. النصيحة يا جماعة ما لهاش قيمة لو في الاخر كلنا بنهاجم بعض بها - [01:09:55](#)

انا اما بنصحك بنصحك عشان انت بتقبل مني. فاما تقبل مني هنصحك ثاني وهنصلح وهفرح. ان انت بتتصلح وفي نفس الوقت العكس. انا لما بنصحك عشان انت بتقبلي. ساعات زوجي يبطل ينصح زوجته عشان ما بتقبلش. او عشان خاطر اني شايف ان هي ما بتعترفش بالخطأ. فرقم تسعة التناصح - [01:10:15](#)

عشرة الاعتراف بالخطأ وتصحيحه. حذاشر التغافل في حاجات بقى مش مستاهلة يعني التناصح القبول والتصحيح ايه اللي بعدها؟ عشان نبقي ماشيين صح. في حاجات مش مستاهلة التغافل. سئل احد الاعراب عن احكم الناس قال - [01:10:35](#)

ايه؟ الفطن المتغافل. هو فاهم بس عديها. حديس عاجبني قوي النبي صلى الله عليه وسلم كان بيقول للسيدة عائشة ايه؟ يا عائش اني لاعلم متى تكوني غضبة ومتى تكوني عني راضية؟ فقال فقالت وكيف تعرف ذلك يا رسول الله؟ قال - [01:11:02](#)

حين تكوني عني راضية تقولين لا ورب محمد. وحين تكون نين عني غاضبة او علي غاضبة تقولين لا ورب ابراهيم. فقالت يا رسول الله والله لا اهرج الا اسمك حديس جميل وفيه فوايد كتير بس عايز اخدهم كده بالترتيب رقم واحد اول فايده هو النبي صلى الله عليه وسلم كان عارف ان هي ايه - [01:11:32](#)

ها؟ غاضبة وكان عارف وقال لها على فكرة انا بقى عارف ان انت زعلانة مني امتي. طب ما هو طبعي لان هو المفترض بيناقشها. صح؟ لا. هي استغربت. معنى كده ان في حاجات - [01:12:06](#)

زعلها وساعات هو مش بيتكلم بيعيدها ساعات يا جماعة في مواضع لو اتفتحت تكبر فالتغافل عنها اولي ما جتش على دي عديها

تغافل مش مشكلة عارف انت هي وحشة هي غلطة هو كان في حاجة تانية افضل منك او هي زعلت على حاجة اصلا - [01:12:21](#)
عارف لو فتحنا الموضوع تتقلب مشكلة كبيرة طب ولو عديناها خلاص عارفين زي ايه؟ جابت لك كوباية الشاي ونسيت قلبها. يعني بتتحل كده انا عارف بانى ايه دي عواطف يا عم المعلقة في الطبق لقيته مش كده - [01:12:49](#)

تعمل ايه تقلبوا قلبه بدل ما هي تقلبك. قلبه. بس كده اتحلت. يعني مش موضوع في مشكلة نقف نقعد نتكلم فيها ما في بس في مشكلة نقعد ما نقعدش نتكلم فيها نقعد نتكلم فيها ليه - [01:13:14](#)
ده الكلام فيها ايه؟ طب تخيل كده. انت ليه ما قلبتيش؟ نسيت. ما طبيعي هتقول لك ايه؟ كنت عايزة اكيدك. يعني كده تقول له كده هتقول لك نسيت. طيب نسيت ليه؟ طب هو الانسان بينسى ليه - [01:13:33](#)

عادي فطرة بنسى طب انت طب هي تقول له ايه؟ ممكن تميل له ايه؟ نسيت عادي يعني نسيت كمان عادي؟ بقت مشكلة. كانت بقت خلص يعني الموضوع لا يستحق الموضوع فعلا لا قيمة له. انت ما ادتنيش المصروف لحد دلوقتي. انت عارفة ان انا هقبض بكرة. طب يعني انا اعمل ايه - [01:13:51](#)

طب انا اعمل ايه اسرق يعني ما ما هو في حاجات برضو ايه انت بتفتحي معي يعني انا هقبض بكرة. يعني وانت عارفة ان انا هقبض بكرة. يقينا مش حضر ارواح المرتب هيطلع لي. ما هو انت لازم تستني لبكرة. منطقي. في حاجات منطقية. طب ما هو دي حصل مشكلة بسبب ان احنا - [01:14:16](#)

ما دفعناش مصروف معين حاجة النهاردة صح؟ بس انا ما فيش بايدي حاجة وانت عارفة عديها. مش موضوع. لا قيمة له. انت عارفة لما بيبقى معي خلصت. طيب لو الموضوع ده زاد قوي. ايه الاخبار؟ نفتح؟ اه ممكن. طب امتى؟ في ساعة صفا - [01:14:36](#)
مفيش حاجة بقولك ايه انتي بقيتي مشغولة اليومين دول خلي بالك انتي بتنسي كذا وكذا وكذا اجيبك ولا اعمل ايه عايزك تفتكري وتركزي معايا شوية وبضحك وبهزار زي ما النبي صلى الله عليه وسلم عمل كده هو جاب ساعة صفا وده على فكرة انا ببقى واخد بالي ان انت ساعة زعلانة مني - [01:14:56](#)

انا ببقى عارف وقت بيبقى كده وكده بس ببقى واخد بالي. اكيد النبي صلى الله عليه وسلم ما كنش قصده في الحنة دي. انا عارف ان انت بتبقي راضية علي. ما هو منطقي انها تبقى - [01:15:16](#)

راضية عليه؟ ده النبي صلى الله عليه وسلم. انما هو كان عايز يقول لها ايه؟ ان ساعات بتبقى انت زعلانة مني وانا عارف. بس بيبقى موضوع عقيق مجمل الكلام ان الموضوع ما يستحقش. ساعة صفا. طب مش طلعت انت واخد بالك مني وعينيك علي؟ ومهتم بي؟ اه - [01:15:26](#)

جزاكم الله خيرا خلاص والله لا اهجر الا اسمك. بس وخلصت. ففي حاجات يا جماعة تغافل عنها تغافل ما تقفش عند كل حاجة. ما تقفش عند كل حاجة يا زوج وفي نفس الوقت الزوجة نفس الكلام. وما تقفیش عند التفاصيل المملة لان - [01:15:46](#)
ان في حاجات عمرها ما هتتغير وفي حاجات متجددة قوي وفي حاجات غصب عن عاطف فما تدققيش معي ما دام حاجة تعدي وصغيرة وفاتحنها يعمل مشكلة ما لهاش لازمة ان احنا نفتحها. حذاشر التغافل. اتناشر الصبر على التغيير. طب فيه حاجات بقى محتاجة تتغير - [01:16:06](#)

قلت لك قلت لك لو سمحت كذا كذا كذا كذا لو سمحتي كذا كذا كذا اتفقنا؟ نصحت اعترفت بالخطأ الموضوع يستاهل ايه اللي هيحصل؟ هنتغير هنتغير هندوس على زرار التغيير اتغيرنا - [01:16:26](#)

لا طبعاً واحدة واحدة. واحدة واحدة على العاطف. وواحدة واحدة على العواطف. بالزات في مسألة الدين ساعات بيبقوا اتنين اتجوزوا مش ملتزمين واحد فيهم بيتدين والتاني فرصة فرصة واحدة واحدة اما تشوفك نموزج جي - [01:16:46](#)
ايد واحد واتنين وثلاثة وعشرة لما اشوفك نموزج جيد. ومعاملتك اتغيرت للافضل. وصبر عليها واحدة واحدة بس في تحت فيها حزم مبينة ان القضية عندك ضخمة وفي نفس الوقت انت مؤمن بالتدرج وبتمشي معهم واحدة واحدة الموضوع يتغير. اما لو شافك - [01:17:06](#)

انت اصلا بوشين عمرها ما هتفكر تتغير لان هي عارفة اصلا ان انت لسه ما اتغيرتش. الا لو ربنا سبحانه وتعالى كتب لها الهدية فالصبر على التغيير واحدة واحدة واحنا بنغير طباعنا السيئة واحدة واحدة هنبقى احسن اتناشر الصبر على التغيير تلتاشر - [01:17:26](#) المشاكل اول باول. اول مشكلة تحصل لازم تتحل. ما دام تستاهل. طب حصلت مشكلة كمان؟ لازم تتحل. ما دام تستاهل طب لو سبنا واحدة ورا الثانية ورا الثالثة ولا الرابعة ورا الخامسة ورا الستة ورا السابعة ايه اللي يحصل؟ اه هتلاقي في الاخر اتنين ودي شفناها واظن في ناس كبيرة كده عارفة يقول لك - [01:17:46](#)

آآ عم فلان وطنط فلانة ما لهم؟ اطلقوا. ايه؟ دول عيالهم متجوزين. ومخلفين اطلقوا ازاى يا جماعة دي ناس كبيرة هو الطلاق مش بتاع العيال الصغيرة هو الطلاق بتاع الكبار والصغيرين انما دول فضلوا مشكلة ورا مشكلة ورا مشكلة ورا مشكلة - [01:18:06](#) ورا مشكلة ورا مشكلة لحد الحياة لا تحتل وغالبا بيبقوا صابرين عشان خاطر العيال واتجوزوا وعندهم عيال خلاص ايه اللي يعيشنا مع بعض؟ ده انطلق. فحل مشاكلك اول باول. النبي صلى الله عليه وسلم قال - [01:18:26](#) اياكم ومحقرات الذنوب فانهم يجتمعن على المرء حتى يهلكه فمشكلة صغيرة في صغيرة في صغيرة تعمل كارسة قدام بس انت مش حاسس. فحل مشاكلك مع عواطف اول باول وحل مشاكلك مع - [01:18:40](#)

اول باول. اربعتاشر فهم خصائص الشخصية لكل طرف. احنا قربنا نخلص يا جماعة عشان انا عارف طولت عليكم. بس النهاردة خلصنا خلاص فهم خصائص الشخصية بمعنى هو غيور خلاص بقى - [01:18:56](#) خلاص هو ما بيتكلمش كثير مش ممل لان انا اتكلمت في كده قلت لك اتكلم لو انت من الشخصيات اللي هي معموله دي لا لو سمحت. يعني شغل الصوت بلاش تفضل طول عمرك - [01:19:16](#)

شغل الصوت شوية ولكن ما بيتكلمش كثير هو ما بيحبش الخروج الكثير بيخرج بس ما بيحبش الخروج الكثير. هو قلوب يعني ما ينفعش عارف لما الولاد يتأخر هم فين؟ يتأخروا ليه - [01:19:29](#) هو قلوب يبقى اخباره ايه؟ هو قلوب. ايوة هتعامل معه ازاى؟ انسي بقى ما فيه اش انت كل شوية تقعد تقلق وما هو خلاص هو قالوه. هو ما بيتغيرش. هو بيفكر كثير قبل ما بياخد القرار. ما هو من الشخصيات اللي بتفكر مش ممل لدرجة ان ان - [01:19:47](#) الفرصة تروح بس هو بيفكر كثير ده تبعه. فافهم الخصائص. عارفين زي ما قلت لكم قبل كده. ان في شخصيات لما تزعل تقول لك ايه؟ سبني دلوقتي اتصافى ونتصالح بعدين. وفي شخصيات لما تزعل تقول له ايه - [01:20:06](#)

لأ نتصالح دلوقتي نتصالح دلوقتي افهم شخصية اللي قدامك ما هو لازم في الاخر يا نتصالح دلوقتي يا نتصالح بكرة مش هينفع نتصالح النهاردة واحدة لي وبكرة بتاعتي فحنا يا كده يا كده فافهم شخصية اللي قدامك واتعامل على اساسها لو اخلاقت كريمة هتبتدي تريح اللي قدامك باطباعه - [01:20:24](#)

في اربعتاشر فهم خصائص الشخصية لكل طرف. خمستاشر حفظ ما في البيت من الافشاء. وده مرتبط جدا بالنقطة اللي قلناها لكده اسمعني لما تسمعني مش هتكلم برة. انما لما بتسمعنيش ممكن ادور. في ناس بقى تسمعها وتتكلم برة - [01:20:47](#) ده ما يحصلش قاعدة يا شباب عيوب مراتي لي ومميزاتها للناس كلها عيوب جوزي لي ومميزاته للناس كلها. حتى اخص اخص الناس ما فيش واحدة تقول لامتها انا من عيوب جوزي كذا اوعي - [01:21:07](#)

اوعي عيب جوزك ميعرفوش غيرك طب مميزاته افضحيه ونفس الكلام عيوب مراتي مقولهاش لوالدتي ولا لاي حد ولا لاختها ولا لاي حد خالص. انما مميزاتها للناس كلها. فعدم افشاء الاسرار والطباع وما في البيت - [01:21:29](#)

ستاشر عدم منطقة المشاعر. خلاص فاضل نقطتين عشان ما تزهقوش. يعني ايه يا منطقة المشاعر ايه منطقية الغضب؟ الغضب مشاعر ما بيتمنطقش. ايه منطقية الحب؟ الحب مشاعر ما بتتنطقش. ليه واحد بيحب واحدة؟ عشان هو بيحب - [01:21:49](#) ليه واحد بيغير على واحدة؟ لان هو بيغيروا عليها خلاص ليه واحد زعلان؟ لان هو زعلان خلاص الموضوع انتهى. طيب تصرفاته في الغضب بتبقى تابعة للمنطق؟ ولا تابعة للمشاعر للمشاعر ما تنطقش المشاعر. بمعنى لما يحصل تصرف نتيجة مشاعر اياك تتعامل معه بعقلك. من الطرف ده ومن الطرف - [01:22:20](#)

ده ليه؟ لانك مش هتوصل لحاجة. صاحب العقل يجن وصاحب المشاعر ينهار يقول لها انت عملي كده ليه؟ ما انت زعلتني وكان لازم ما تعملش كده. ما كانش منطقي بيتفرج ما هو ما فيش. انت بتتكلم بلغة انت بتتكلم ياباني - [01:22:44](#)

وانا بتكلم الماني مينفعش يصلح بينا واحد اسباني عشان البرتغالي مش هيفهمنا احنا الاتنين هو كده انت بتتكلم بلغة المشاعر وانا اتكلم بلغة المنطق او العكس عشان خاطر كده النبي صلى الله عليه وسلم قال ايه؟ لا يأتي القاضي حين يقضي وهو غضبان ليه؟ اللي حيحركه - [01:23:04](#)

وايه المشاعر اللي هي غير عادلة تبقى ماشية مع تيار. انما المنطق والتفكير السليم بيقول غير كده فرقم خمستاشر ستاشر وان كان دي ستاشر عدم منطقة المشاعر. سبعتاشر ما تبوظيش جوزك يا عاطف - [01:23:24](#)

معلش انا اسف آآ ركزوا معي في دي شوية. والناس تركز ويا رب تفهمها صح. الزوجة ما ينفعش تبوز جوزها ولا الجوز يبوز مراته. يعني ايه؟ يفهموها قوي. انتم لسه متجوزين. يا جماعة معلش انا اسف بس لو حد عنده لبسة في النقطة دي يكلمني. انتم لسه متجوزين - [01:23:49](#)

هي عايزة تروح مشوار. مين اللي بيوصلها؟ جوزها مش اخوها رايحة للدكتور مين ببروح معها؟ جوزها مش اخوها. مش مامتها. ليه لان بالزات في الاول لما بيتعود ان مامتك هي اللي بتعمل المشاوير واخوك هو بيطلع برة القصة. بيتعود - [01:24:19](#)

ميت عود خلاص الموضوع انتهى. فما بوزهوش عايزة تروحي لدكتور مش لاقية ميعاد مناسب جوزك دوري على ميعاد مناسب لجوزك عشان هو اللي يروح. لما تستقر العادة خلي اخوك يروح معك ومامتك تروح معك وكل الناس تروح معك. انما ابتداء - [01:24:49](#)

ان لازم هو يكون موجود. بالزات في اول الجواز. بالزات في اول الجواز. في حاجات معينة مسؤوليات عليها في الاول لازم تقرر ان هي عليك بمرونة مش بمشكلة بمرونة. ليه؟ عشان ما تبصش - [01:25:09](#)

واضحة؟ مش هطول فيها اكر من كده عشان خاطر كل واحد له اه تطبيقاته. تمتاشر والقبل الاخيرة التيسير في الزواج. من احد اهم المشاكل او العناصر اللي بتخلي البيت غير سعيد. ان انا اخش - [01:25:29](#)

البيت بطلبات كبيرة جدا فمديون ومطحون. وسنة اولي جواز دي طباعنا احنا الاتنين متنافرة وبتنعود على بعض وانا اصلا تحت ضغط الديون وبعد كده جاي تقول لي الجواز فشل ليه؟ ما هو انا - [01:25:49](#)

مش رايق ما هو انتم كان طلباتكم واحد واتنين وتلاتة واربعة وانتم عارفين ان ما فيش حد في بلوته بيتجوز كده وبعد كده جايين تقولوا لي انت متنفز ليه؟ ما انا مخنوق. عايز انجز. واتجوزت. لقيت طباعة عايزة تتغير - [01:26:09](#)

ودنيا مش مزبوبة وحاجات امال انا دافع كل ده ليه؟ قال لك ما هو الجواز مش شروة اه الصرف باين الجواز مش شروة اهو ما هو الشروة امال انتم كنتم بتعملوا في كده ليه؟ مش كنت بتقول لي بتشتري راجل - [01:26:29](#)

ما فيش راجل بالفلوس دي اصلا. كلهم ارحص من كده. فاما يدخل الشاب مديون طبعا دي مشكلة الزوجة ما بتقبليش الزوجة. لما يدخل مديون بيبقى مخنوق. اه ومش طايق. والزوجة - [01:26:49](#)

بتستقبل بقى ده وكمان مديونه دي هو اللي هيردها. اللي هتبقى مستقطعة بعد كده من مين؟ من دخله. اللي هو يبصرف عليها به فخلي الاهالي منطقية. ما تدخلنيش مديون يسروا الزواج. يسروا الزواج. يسروا الحلال عشان الحرام دلوقتي بقى مباح قوي - [01:27:09](#)

فيسروا الحلال عشان خاطر الشباب تقبل عليه. يسروا الحلال. وفي نفس الوقت الشباب لازم بيبقى اخلاقه كريمة لان الاب بيخاف يجوز بنته جوازة سهلة عشان خاطر اغلب الشباب دلوقتي بقى اخلاقه مش كريمة بقى فيه ندالة شوية - [01:27:29](#)

فبيستسهل فلما بيقرصوا بيتعلم يقول لك انا اتجوزت وانا في حمل جواز تاني انما لما تبقى صعبة ما يعملش كده فيستحمل وهو مطايطي. ايه الجو ده انتقام! مجتمع عدو نفسه - [01:27:52](#)

مجتمع عدو نفسه بنكل ببعض. فالاخلاق يا شباب تبقى كريمة. اكرم زوجتك. والاهالي تيسر الزواج تحسين العلاقات الخارجية. تحس

ان العلاقات الخارجية مع الناس. بيت وعامل مشكلة مع الحمل من هنا او من هنا او مع العم او مع الجيران نكد. حسن علاقاتك مشاكلك كفاية. ما تدخلش نفسك في معارك خارجية. بالزات مع - [01:28:09](#)

اهل الطرف ده او اهل الطرف ده النبي صلى الله عليه وسلم قال خيركم خيركم لاهله. وانا خيركم لاهلي. الاهل البيت الزوجة اه والاهل عامة برضه الرحم القرايب كل دول انت مأمور بالاحسان لهم. عشرين القاعدة الاخيرة - [01:28:39](#)

النظر لنصف الكوب الممتلئ. رسالة اخيرة لكل عاطف وعواطف يستحيل تبقى انت كامل ولا هي كاملة يستحيل يبقى الامر بالمسطرة لا لها ولا حتى عندك. طب ايه الحل؟ استمتع بالحنة المليانة. وتغافل عن الحنة الفاضية. لان الكمال لله - [01:28:59](#)

عز وجل وحده. سيدنا موسى مر يوما عليه السلام مع الحواريين بالقرب من جيفة كلب. فقال احدهم ما امتن رائحته. وقال الاخر وما ابشع لونه؟ فقال سيدنا موسى قال سيدنا عيسى كان سيدنا - [01:29:29](#)

ولكن ما انصع بياض اسنانه؟ هو ده شاف ايه شاف اللون البشع وده شاف اه الريحه النتنة بس سيدنا عيسى عينه حلوة. شاف السنارة انا البيضة فانت ان نفرت من زوجتك من خلق انت تقبل منها اخر. ان نفرتي من خلق - [01:29:49](#)

زوج معين من حنة معينة تقبلي منه اخر وانصحي وسمعيه الدرس وسمعيه المشكلة. واصبري واصبر والدنيا هتبقى افضل. واصبر على ما اصابك. وفي الاخر الكمال لله عز وجل لوحده واللي ناقص منك في الدنيا تاخده ان شاء الله في الاخرة في الجنة. انتهت قصة عاطف وعواطف. اسأل الله عز وجل ان يرزق بنات - [01:30:19](#)

ازواج صالحين شباب المسلمين زوجات صالحات ربنا يا رب يعفو عنا ويغفر لنا ويرزقنا الصلاح والكرم والرضا بما قضى لنا وعلينا. اللهم امين. وجزاكم الله خيرا. سبحانك اللهم ربنا وبحمدك. اشهد ان لا اله الا انت استغفرك واتوب اليك - [01:30:49](#)

- [01:31:10](#)